

張
燕
公
集
一



張
燕
公
集
二



張
燕
公
集
三



張
燕
公
集

一

張
說
撰

中
華
書
局

張
燕
公
集
二
張
說
撰

中
華
書
局

張
燕
公
集

三

張
說
撰

中
華
書
局

叢書集成初編

張燕公集 三册

中華書局 出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

提要

臣等謹按張燕公集二十五卷。唐張說撰。說事蹟具唐書本傳。其文章典麗宏贍。當時與蘇頌並稱。朝廷大述作。多出其手。號曰燕許。唐書藝文志載其集三十卷。今所傳本止二十五卷。然自宋以後。諸家著錄並同。則其五卷之佚久矣。集中元處士碣銘。稱序爲處士子將作少監行冲撰。而唐書行冲傳。乃不載其爲此官。爲留守奏慶山醴泉表。稱萬年縣令鄭國忠狀。六月十四日。縣界霸陵鄉。有慶山見醴泉出。而唐書武后傳載此事。乃作新豐縣。皆與史傳頗有異同。然說在當時。必無訛悞。知唐書之疎舛多矣。此書所以貴舊本也。集首永樂七年伍德記一篇。稱兵燹之後。散佚僅存。錄而藏之。至嘉靖間。其子孫始爲梓行。而訛舛特甚。又參考本傳及文粹文苑英華諸書。其文不載於集者尚多。今旁加搜輯。於集外得頌一首。箴一首。表十八首。疏二首。狀六首。策三首。批答一首。序一首。啓一首。書二首。露布一首。碑四首。墓誌九首。行狀一首。凡六十一首。皆依類補入。而原集目次錯互者。亦詮次更定。仍釐爲二十五卷。庶幾復成完本焉。

1472903

張燕公集目錄

卷一

賦五首

卷二

詩五十六首

卷三

詩六十七首

卷四

詩八十首

卷五

詩九十三首

卷六

頌二十三首

卷七

詩三十四首

頌四首

卷八

贊十九首

箴三首

銘五首

記一首

卷九

表二十四首

卷十

表二十一首

卷十一

疏二首

狀七首

對策三首

批答一首

卷十二

序十一首

卷十三

啓一首

書二首

露布一首

卷十四

碑銘七首

卷十五

碑銘三首

卷十六

碑銘五首

卷十七

碑銘六首

卷十八

碑銘六首

卷十九

碑銘四首

卷二十

碑銘四首

張蕭公集

目錄

張燕公集 目錄

卷二十一

碑銘八首

卷二十二

墓誌銘九首

卷二十三

墓誌銘十一首

卷二十四

墓誌銘六首

卷二十五

祭文十九首

行狀一首

張燕公集卷一

唐張說撰

賦

喜雨賦應制

史臣啓先王之冊府。校絕瑞於祥經。樂雲雨之平施。齊品物之流形。皇帝益重而爲寶。麟鳳自輕而讓靈。況愆時而渴望。欲意達而神聽。是月也。朱明漸半。紫油未吐。恐降災兮。此下人。罄虔祈兮。我仁主。退象龍之禮禱。斥持鷺之貌舞。屏翳慙其廢職。祝融悔其遷怒。山泱澆而出雲。天霧灑而下雨。速一言而感應。尅三日而周溥。氣翳以駭黠。聲颯灑以蕭條。瓘如銀漢之屑落。燦似珠泉之噴澆。街鄴漫其潢潦。臯壤萎其綠苗。舒四溟之清潤。卷六合之煩囂。咸澡骨於神液。共歡心於聖朝。借如五月有梅雨之名。三春有穀雨之氣。越人以泥牛待沃。胡士賣土龍求費。出員嶠而石香入成都而酒味。彼偏方與小節。非大人之所貴。復有送山祇於鬱島。迎海若於葛川。疾雷碎其山裂。走電煜其海燃。天子作愁霖之賦。詞人綴苦雨之篇。牆屋壞於倒井。黍稷沉於下田。乃凶禳之不令。曷休徵之有焉。請言瑞雨之可喜也。協氣交泰。嘉生是賴。溝潭而不溺。衍溢而不害。東漸出日之表。西被無雷之外。南窮火鼠之譯。北盡燭龍之會。天文則雲漢昭回。王澤則江河滂沛。雖欲談天而窺管。孰知堯德之爲大。

進白鳥賦

咨大鈞之播氣。在品物而流形。有莫黑之凡族。亦變白而効靈。感上仁於孝道。合中瑞於祥經。若夫事出神妙。理包舒卷。既集王室。飛隨帝輦。捧日高竊。迎風細轉。識句句於招呼。每啞啞於啄吮。以其霜羽雪毛。冰精玉狀。拔奇綠林之下。賞異紫臺之上。瞰鳩鵲之妙臆。抱鳳凰之衣桁。恐同類之見嫉。畏不才之速謗。願悉命於渥恩。豈顧私於閒放。維聖君之靈囿。物何遠而不臻。有能言而可重。或善舞而取珍。羞陋軀而入獻。與寶羽而爲隣。探朝噪之聲樂。眷夜啼之曲新。無芒距以耀武。不鉤觜以懷仁。謝先容而特達。却假飾以全真。鑒深心於反哺。移報德於君親。

虛室賦

明月窗前。古樹簷邊。無北堂之樽酒。絕南鄰之管絃。理涉虛趣。心階靜緣。室惟生白。人則思元。厭百慮之勞止。歸一途之兀然。嗟乎。巧智首亂。禮樂增矯。名起異端。利成貪兆。役二見之交戰。驅五神而雜擾。形何費而不衰。性何煩而不天。每竭源而追末。必亡多而獲少。玉帳瓊宮。圖侈務豐。朱門金穴。特滿於隆。榮與辱而俱盛。事隨憂而不窮。陷營爲之桎梏。留健羨之池籠。心元是幻。法本皆空。莫不因無證實。假異生同。魚何知而樂水。蛇何意而憐風。大哉默識。守此元通。顧瞻天下。還如夢中。

江上愁心賦寄趙子

江上之峻山兮。鬱崎巖而不極。雲爲峯兮。烟爲色。歛變態兮。心不識。江上之深林兮。杳冥濛而不已。鳥爲花兮。猿爲子。紛盪漾兮。言莫擬。夏雲陰兮。若山。秋水平兮。若天。冬沙飛兮。浙浙。春草靡兮。芊芊。感四節之

默運知萬化之潛遷。伴衆鳥兮寒渚。望孤帆兮日邊。雖欲貫愁腸於巧筆。紡離夢於哀絃。是心也。非模放之所逮。將有言兮是然。將無言兮是然。

畏途賦

青泥路。白馬關。雲足躡。霞手攀。忠臣往兮孝子還。陟羊腸。臨鳥道。搏絕岸。援蔓草。懸梁變娜以樹接。廬閣穹崇而烟抱。風雨櫛沓兮崩泉而險湍。圖畫詭屈兮紅峯而碧巒。林黝黝而人靜。山巖巖而地寒。客有夢兮在城闕。背芳萱兮心不歇。憫秋草之墜露。弔窮崖之飛月。聞哀猿之一鳴。憂人宿昔兮生白髮。

詩

侍宴武三思山第應制賦得風字

梁王池館好。曉日鳳樓通。竹町羅千衛。蘭筵降兩宮。清歌芳樹下。妙舞落花中。臣覺筵中聽。還如大國風。

侍宴蘼荷亭應制

迴鑾青岳觀。帳殿紫烟峯。仙路迎三島。雲衢駐六龍。園林看化塔。壇壝識餘封。山外聞簫管。還如天上逢。

侍宴臨渭亭應制

青郊上巳艷陽年。紫禁皇遊被渭川。幸得歡娛承湛露。心同草樹樂春天。

侍宴滌水應制賦得澗字

千行發御柳。一葉下仙筇。青浦宸遊至。朱城佳氣濃。雲霞交暮色。草樹喜春容。藹藹天旗轉。滄笳入九重。

桃花園馬上應制

林間艷色驕天馬。苑裏濃穠伴麗人。願逐南風飛帝席。年年含笑舞青春。

侍宴隆慶池應制

靈池月滿直城隈。轂帳天臨御路開。東沼初陽疑吐出。南山曉翠若浮來。魚龍百戲分容與。鸞鶴雙舟較泝洄。願似金堤青草隄。長承瑤水白雲盃。

奉和春日幸望春宮應制

別館芳菲上苑東。飛花澹蕩御筵紅。城臨渭水天河靜。闕對南山雨露通。繞殿流鶯凡幾樹。當溪亂蝶許多叢。春園既醉心和樂。共識皇恩造化同。

奉和登驪山矚眺應制

寒山上半空。林眺盡園中。是日巡遊處。晴光遠近同。川明分渭水。樹暗辨新豐。巖壑清音暮。天歌起大風。

奉和幸白鹿觀應制

洞府寒山曲。天遊日旰迴。披雲看石鏡。拂雪上金臺。竹徑龍驂下。松庭鶴轡來。雙童還獻藥。五色耀仙才。

扈從幸韋嗣立山莊應制二首

寒灰飛玉管。湯井駐金輿。既得方明相。還尋大隗居。懸泉珠貫下。列帳錦屏舒。騎遠林逾密。筵繁谷自虛。門旗暫複磴。殿幕裏通渠。舞鳳隨公主。雕龍賦婕妤。地幽天賞洽。酒樂御筵初。非才叨侍從。連藻愧應徐。

西京上相出扶陽。東郊別業好池塘。自非仁智符天賞。安能日月共迴光。

奉和送金城公主應制

青海和親日。漢星出降時。戎王子登寵。漢國舅家慈。春野開離讌。雲天起別詞。空彈馬上曲。詎減鳳樓悲。

奉和同皇太子過慈恩寺應制二首

翼翼宸恩永。煌煌福地開。離光昇寶殿。宸氣繞香臺。上界旛花合。中天日月來。願君無量壽。仙藻屢徘徊。

先天應令

三陽麗景早芳辰。四序嘉園物候新。梅花百般障行路。垂柳千條暗迴津。鳥驚直爲飛風葉。魚躍都由怯岸人。惟願聖主南山壽。何愁不賞萬年春。

奉和春日出苑應制

禁林艷裔發青陽。春望逍遙出畫堂。雨洗亭臯千畝綠。風吹梅李一園香。鶴飛不去隨青管。魚躍翻來入綵航。容賞歡承天保定。道文更覩日重光。

奉和喜雪應制

聖德與天同。封巒欲報功。詔書斯日下。靈感應時通。觸石雲呈瑞。含花雪兆豐。積如沙照月。散似麴從風。舞集仙臺上。歌流帝樂中。遙知百神喜。灑路待行宮。